



Na osnovu člana 2.9 stav (1) tačka 2, a u vezi s članom 5.22 Izbornog zakona Bosne i Hercegovine ("Službeni glasnik BiH", br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13 i 7/14), Centralna izborna komisija Bosne i Hercegovine je na 9. sjednici, održanoj 29.01.2015. godine, donijela

O D L U K U

o uspostavi Glavnog centra za brojanje i imenovanju direktora i zamjenika direktora Glavnog centra za brojanje za provođenje prijevremenih izbora u općini Istočni Drvar, Domaljevac/Šamac, Kalesija i Živinice i prvih izbora u općini Stanari

Član 1.

(1) Centralna izborna komisija Bosne i Hercegovine (u daljem tekstu: Centralna izborna komisija BiH) uspostavlja Glavni centar za brojanje za pripremu i provođenje:

- a) prijevremenih izbora za načelnika u općini Istočni Drvar i Domaljevac/Šamac i
- b) prve izbore za vjećnike u skupštinu općine i načelnika općine Stanari,

koji će se održati u nedjelju, 01. februara 2015. godine i

c) prijevremenih izbora za načelnika u općini Kalesija i Živinice, koji će se održati u nedjelju, 22. februara 2015. godine.

(2) Glavni centar za brojanje se uspostavlja za period od 30.01.2015. godine do 10.03.2015. godine.

(3) Glavnim centrom za brojanje rukovodi direktor Glavnog centra za brojanje i tri zamjenika direktora Glavnog centra za brojanje.

Član 2.

(1) Za direktora i zamjenke direktora Glavnog centra za brojanje imenuju se:

- a) Adi Agić, direktor
- b) Veljko Petrović, zamjenik direktora
- c) Mustafa Laković, zamjenik direktora i
- d) Mladen Vičević, zamjenik direktora.

(2) Direktor i zamjenici direktora Glavnog centra za brojanje se imenuju na period od dana imenovanja pa do zatvaranja Glavnog centra za brojanje i odgovorni su za svoj rad Centralnoj izbornoj komisiji BiH.

Član 3.

(1) U Glavnom centru za brojanje će se obavljati slijedeći poslovi:

- a) prijem i kontrola biračkog materijala sa biračkih mjesta za glasanje nepotvrđenim glasačkim listićima,


- b) verifikacija prava glasa birača koji glasaju putem pošte, mobilnog tima i nepotvrđenim glasačkim listićima,
- c) brojanje svih kategorija glasačkih listića iz tačke a) i b) stav (1) ovog člana,
- d) unos i ovjera rezultata glasanja za sve glasačke listiće koji se broje u Glavnom centru za brojanje,
- e) prijem, kontrola, unos i potvrda rezultata glasanja s redovnih biračkih mjesta i
- f) drugi poslovi utvrđeni podzakonskim aktima Centralne izborne komisije BiH.

(2) Poslovi iz stava (1) ovog člana obaviti će se u sjedištu Glavnog centra za brojanje u Sarajevu, zgrada Centralne izborne komisije BiH u ulici Danijela Ozme broj 7.

Član 4.

Ova odluka stupa na snagu danom donošenja i objavit će se na web stranici Centralne izborne komisije BiH www.izbori.ba.

Broj: 05-1-07-11-100-1/15
Sarajevo, 29.01.2015. godine



Predsjednik

Jepan Mikić